



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 30. S. Domus violatores diuinitus puniuntur.

[urn:nbn:de:hbz:466:1-64112](#)

sa oculis caligine : ac repete cū vires destituunt haud satis compotem mentis. Ergo trepidus, & attonito similis cum regere nequirit equum , ab equo ipso prouectus Lauretum ad proximum hospitium sistitur . Ibi linquente ; pene animo, defluens ab hospite excipitur : atque inter manus in cubiculum delatus collocatur in lectulo. Tum vero manifestam iram Dei bis in eodem itinere expertam inten-
tius animo reputare , & ex præsenti lumen orbitate gra-
uiorem insuper cladem extimescens , vbertim flere cœ-
pit . Is metus saluti fuit . Diuino subinde tactus numine
resipiscit : & receptum poenitenti ad expertam Virginis
clementiam tutum fore sperans , veniam à Deo Deipara-
que exposcit : profitetur ac vouet , in posterum semet
haud secus de Lauretana cella , quam Christianus orbis
crederet , crediturum . mirabile dictu . mentis lumen ocu-
lorum lux cōsecuta est . Igitur ad Lauretanā pergit Aedē:
& vitæ maculis sacra confessione absterfis , augustissimam
intrat cellam : B. Virginem enixe veneratur , latus illam
ab se cerni ijs oculis , quos nuper eadem irata amiserat ,
placata receperat .

*Sacrosanti Sacelli violatores diuinitus
sue audaciae pœnas luunt.*

Cap. XXX.

*Anna. Laur.
Rer.*

Svbinde etiam in sacrosanti sacelli violatoribus eu-
dens Dei numen apparuit. Anno huius seculi circi-
ter LVIII . vir quidam ex præcipua Italiæ ciuitate nobilis
in primis , & copiosus (nomen & hominis , & patriæ silen-
tio supprimitur , quia ipse suppressum voluit) Lauretum
venit , documentum haud inultam temeritatem talia au-
dentium esse . Hic multis ante annis exiguum lapidem
ex sanctissima Virginis cella subtractum domi suæ asserua-
bat omni honore , cultuque . Haud tamen ille cultus cœ-
lestem

Iestem leniuit iram. Sed Deo matris suæ iniuriam vindicante , miser ille sacrilegam religionem orbitate filiorum , & amissione fortunarum omnium luit. Ad hæc pertinaci magis , quam perniciose morbo vrgeri , vexari que coepit . Itaque ut erat vir cæteroqui prudens , ac sapiens , aperuit aliquando oculos: & Deum profecto alicius sui sceleris vltorem adesse sensit. Cæterum & si omnia sibi accidere videbat apte ad repræsentandam iram diuinæ numinis,tamen quo tandem suo merito illa accideret , non videbat . Ergo ab ægritudine simul corporis , animique anxius , omni ope placare nitebatur iratum Deum : Sed iræ materia apud eum quamvis ignarum residet , irrita omnia faciebat. Alia deinde spes , postquam hæc vana euaserat , ei affulsit . Lauretanæ Virginis , cui mire additus erat , memor , eius auxilium pariter , & consilium implorat. Nec mora B.Mariæ monitu discit , lapidem ex Laurentana domo sublatum causam esse cœlestis iræ : eamque non nisi sacro lapide restituto posse placari . Tum ille ob ortis lacrymis , religiosæ , vt crediderat , audaciæ veniam à Deo Deiparaque exposcens , desiderauit ipsem referre Laurentum quod abstulerat . Nec in irritum preces cecidere : hoc quoque culpam agnoscenti suam Deipara indulxit . Ex templo igitur depulso morbo álacer pergit Laurentum , saxum restituit , vota persoluit . Aliud quoque per id tempus huic haud absimile accidit . Femina ex agro Piceno post diuturnum matrimonium , nullos generat liberos . Hæc eius animum cura angebat maxime ; vt vndique sterilitatis remedia quæreret . Ergo ait illi nescio quis mulieris gratiam initurus , nullum remedium presentius ad abolendam sterilitatem , quam Laurentanæ domus reliquias pie , religioseque custoditas : si quid inde abstulerit , breui eam matrem fore pollicetur . Id non promissum magis stolide , quam creditum . Illa igitur manifesta Dei vltoris ira , ablatum inde lapidem cum febri domum retulit : & ægritudo corporis animum vrgebat ; adeo non vehementius febris æstu , quam conscientiæ iactabatur . Nec

X prius

prius ex iactatione illa conquieuit, quam Laureto Sacerdotem acciuit, & lacrymas poenitentiae indices profundens ablatum reddidit lapidem. Poenitentiam valetudo, non tantum venia est consecuta. Magno etiam Illyricis mercatoribus similis audacia stetit. Hi coēpto ex Picentibus frumento, saxum ex Deiparæ cella surreptum clam in onerariam abdiderant. Cæterum, ut fallerent homines, sacrilegij vindicem Deum non fefellerunt. Profectos ex portu atrox vis tempestatis subito adorta in ingentem adduxit metum: & trepidos vasorum, merciumque iacturam facere subegit. Haud procul exitio res erat, cum Deū parentis suæ vltorem adesse senserunt: & flentes, tendentesque in cœlum manus veniam pariter orare cœperunt. Placato precibus, ac lacrymis Deo, mare quoque placatur. Illi periculo erepti retro iter flectunt: ad Lauretum appellunt: lapidem Virgini restituunt. Prospero inde cursu in Dalmatiam prouehuntur. Peregrinorum quoque nō nullos, qui aliquid indidem seu lapidis, seu calcis abraserant, abeuntes morbus, velut diuinæ prouidentiae lictor corripuit, nec ante eos dimisit, quam regressi cum lacrymis, & confessione temeritatis suæ, ablata Deiparæ redidierunt.

Sacræ cellæ expilatores diuinitus compræbensi afficiuntur suppicio.

Cap. XXXI.

Lema.Laur.
Rjer. C Aeterum his, quos religionis species deceperat, lenorem se diuina severitas præbuit: aliorum, quos auaritia in fraudem impulerat, audaciam grauius vindicavit. Per eadem tempora nonulli Lauretanæ Domus ministri, ex composito sacros thesauros compilarent, quos à compilatoribus tutari debuerant. Sed celeriter Deus in fandum sacrilegium debita poena est persecutus. Iam res omnes in nauim conditas occulta asportabant fuga, cum agri Piceni oram præteruectos aduersa tempesta reiecit eo, vnde concenderant. Itaque in Recinetensium potestatem